

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社

四庫全書存目叢書

子部
第二四三冊



魯新登字 07 號

責任編輯：孫言誠 賀 偉

ISBN 7-5333-0478-0



9 787533 304782 >

EB56/03

四庫全書存目叢書·子部二四三

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精興印刷有限公司印製

787×1092 毫米 16 開本 50.875 印張

1995 年 9 月第 1 版 1995 年 9 月第 1 次印刷

印數 1—100

ISBN 7-5333-0478-0

Z·27 子部定價：78300 圓

子部第二四三冊目次

子部·小說家類

玉堂叢語八卷

〔明〕焦竑撰
中國科學院圖書館藏明萬曆四十六年徐象標曼山館刻本

一

汝南遺事二卷

〔明〕李本固撰
南京圖書館藏清初鈔本

二〇〇

客座贅語十卷

〔明〕顧起元撰
清華大學圖書館藏明萬曆四十六年自刻本

二五〇

剪桐載筆一卷

〔明〕王象晉撰
私藏明末毛晉刻本

四六一

金華襍識四卷(原缺卷四)

〔明〕楊德周撰
北京圖書館藏明刻本

四九一

嶠南瑣記二卷

〔明〕魏濟撰
中國科學院圖書館藏明刻本

五四四

瑯嬛史唾十六卷

〔明〕徐象梅撰
中國科學院圖書館藏明萬曆刻本

五六三

玉堂叢語八卷

〔明〕焦竑撰

中國科學院圖書館藏明萬曆四十六年徐

象樞曼山館刻本

附《四庫全書總目·玉堂叢語

八卷》提要

玉堂叢語序

玉堂叢語一書成於秣陵太史
焦先生先生蔚然為一代儒宗
其餘叙今古津梁後學所著述
傳之通都鉅邑者益凡幾種是
邇

書取晚出体裁仍之立說區不
準之類林而中所取裁袖楊宛
然成館閣諸君子一小史然嘻
奇矣夫巖穴之士何與於東觀
之盛也妹媛之儒何接於長宿

之該也夏虫井蛙之見何能承
宏議崇論之緒也一旦得是書
讀之且咀嚙之若親臨座顧之
謦咳躬造金馬之創業也以方
之得官瑣說道之所不該義之
郭

二

國家二百年來名臣碩老錄書出
自玉堂精選以故得其寸縑隻

字一事片語者信之若蒼蔡珪
之若夜究箋之並儒安所得全
帙一莊誦乎焦先生胞庫茹納
萬有鄴架珍藏萬卷能裒集更
能裒裁抽精騎於什伍揀粹腋
郭

三

於衆白都內好事者往往祈得
而梓行之俾千古後學不致慨
我明館閣無成書因而補苴國
史之弗備也先生之功于是為
大不佞粗知易者也聞之易大

畜象曰君子以多識前言往行
以畜其德夫德惟一耳不多也
以不多借資于多寃且化多而
還一則善畜德者乎以躋於篤
實充輝之盛寧遠乎矣學者得
郭
四
先生所集叢語一善畜之弘裨
身心匪淺鮮者詎惟國典朝章
前言往行之蠡測已也余以是
窺先生衷集之深心敢為之弁
其首云

江右廬陵郭一鶚汝薦甫題



郭

五

玉堂叢語目錄

卷之一

行誼 文學 言語

卷之二

政事 銓選 籌策

卷之三

召對 講讀 寵遇 禮樂 薦舉

卷之四

玉堂叢語目錄

獻替 侃直 纂修 調護 忠節

卷之五

識鑒 方正 廉介 義舉 罷量

長厚 退讓 慎密 敏悟

卷之六

出處 師友 品藻 事例 科試

科目 容止

卷之七

賞譽 企羨 恬適 規諷 豪爽

任達 夙惠 遊覽 術解 執術

傷逝

卷之八

志異 簡傲 諧謔 儉嗇 侈汰

險譎 忿狷 刺毀 紕漏 惑溺

仇隙

玉堂叢語目錄

二

玉堂叢語卷之一

太史瑯琊焦竑輯 錢塘徐象標校刊

行誼

贊善大夫龍泉章公溢始生其音如鐘及成童
巖然莊重不習鄉井輕儇態至正壬辰斬黃妖
寇自閩犯龍泉公從子存仁避亂山中存仁爲
賊所得公心計曰吾兄止有一子不可使無後
挺身出語賊曰兒幼無知我願代之賊素聞公

玉堂叢語

卷之一

行誼

一

曼山館

名方出重購以求之得公大喜賊帥欲問計公
正色拒之曰若等皆有父母妻子願爲此滅族
事耶賊怒繫之柱以刀磨其脇曰不降者死公
曰貪生惡死固人常情然吾終不爲不義屈賊
怒曰汝誠不畏死曰死即何畏乎賊壯之不敢
加害公夜給守者乘間脫歸避地閩中 太祖
以東帛召公遂起爲佐命勳臣

朱善字備萬豐城人洪武初以郡邑薦至京制

作稱旨名官翰林令以家屬赴京就祿值父病
數月不至 上怒謫居遼陽不久放歸鄉里買
地一區爲終老計方往經營聞老翁以無依故
悲公聞惻然憫之以券還翁而不索其值後起
爲文淵閣大學士

太祖嘗召宋文憲問廷臣臧否第言善者復問
否者爲誰對曰其善者與臣交臣故知之若否
者縱有之臣不知也卒無所毀

玉堂叢語

卷之一

行誼

二

曼山館

吳琳旣家居 高皇嘗遣使察之使潛至琳旁
舍見一農人坐小几起拔稻秧布田貌甚端謹
使者問曰此有吳尚書家何處其人尚在否農
人斂手對曰琳是也使還白 上益重之
方正學父克勤洪武初爲濟寧州有誣以擅用
倉中炭筆者被逮正學上書政府願以身從軍
贖父罪不報竟謫江浦會空印事起吏又誣及
克勤正學復草疏將伏闕訴之而克勤沒於京

師論者謂正學平生臣子兩遂忠孝並弘

權謹迎母就養母疾籲天祈以身代母卒躬負土成墳廬墓三年有白兔青蛇馴擾不去

楊榮聞父計告歸賜以鈔幣命馳傳以往既襄事乃料檢鄉黨平日有假貸錢穀弗能償者悉焚其券族人有喪不能舉者悉爲葬之貧弱不能自存悉收養嫁娶之有因產業致爭者剖已業畀之 詔起公宗戚鄉鄰送行者咸垂涕

玉堂叢語

卷之一

行誼

三

曼山館

楊文敏從 文廟北征蚤發凌霄峰公與學士胡廣金幼孜迷失路 太宗命中官追尋得之時昏黑中官馳去公等復迷入窮谷中幼孜墜馬胡學士金侍郎不顧而去公下馬爲整鞍轡不數步幼孜復墜馬鞍盡裂公卽以所乘馬讓之自乘驛馬從夜至旦不勝疲勞翼日出山望見左掖乃趨赴之至午方詣中軍 上大喜慰問良久嘉公之義公謝曰僚友之分誼所宜然

上曰廣非僚友耶何不顧而行也

金問凡聲好古嗜學問事之如嚴師嘗病熱劇醫云必得螺可治方盛寒問解衣循河視之得百枚以進病良已

李希顏足跡不涉城市一日藩司騶輿訪公途遇一老枕袋側臥前驅蹴之乃先生也遂與班荆傾囊以別首戴箬笠身著緋袍時臨盛會客嘲之曰戴者本質著者君賜也

玉堂叢語

卷之一

行誼

四

曼山館

周文襄公忱巡撫江南時嘗去騶從入田野間與村夫野老相語問疾苦每坐一處使聚而言之惟恐其不得盡也

劉鉉祿賜之餘必分惠宗族故舊之貧者恒館果之僚友卒而乏者爲具後事復教其孤有至顯官者有病吏憐而舍之染其疾及家人或請遣之公弗聽已而皆愈

宋琰居鄉勇於行義時疫大作姑家尤甚人皆

遠避無至門者公曰若此噍類絕矣患難不恤何以親爲遂宿其家躬治湯藥以全活之卒者出地葬之鄉間爲之感化

陳檢討繼幼孤母守節甚堅訓公嚴篤郡邑上其事朝命巡按御史廉之御史既得狀復微行至其鄰家樓上潛窺之節婦方率子灌園節婦前行檢討抱盎從步趨整肅如朝廷然已而同灌少頃節婦入內久之手持茶二甌來檢討遙望見遽擲盎趨迎至前跪兩手捧一甌而起飲之御史不覺動容稱歎卽以上奏旌表門閭

聖堂叢語

卷之一

行誼

五

曼山館

宣宗辛史館撤金錢於地命衆取之學士李時勉獨立不動上嘉歎親取袖中餘錢賜之楊鼎鄉試首薦聞南京祭酒陳敬宗學行乃求入南監卒業不攜一僮攻苦力學躬自執爨恬如也敬宗試其文察其行歎曰閉戶端居甘人所苦雖軍瓢不是過也亟稱其賢有郡守欲妻

以女鼎以不告父母辭乃托鼎同鄉兵部尚書徐琦與敬宗言曰鼎清貧而彼富裕父母聞之於心必安敬宗亦勸鼎從之鼎對曰原憲雖貧於道則富荷頓雖富於道則貧鼎也敢貪富乎哉敬宗益羨其操

楊鼎居家冠婚祠祀遵用古禮其家法爲縉紳所宗又築靜善書院延師以教里中子弟歲饑悉出所蓄以賑親舊嘗語人及諸子曰吾平生無可取者但識廉恥二字耳爲左中允以才堪經理陞戶部右侍郎恐不勝任書十思於座隅以自省曰量思寬犯思忍勞思先功思讓坐思下行思後名思晦位思卑守思終退思早

聖堂叢語

卷之一

行誼

六

曼山館

尚書楊公仲舉從軍武昌楊文貞公適以流落相遇締爲布衣交廬陵旣貴首被登薦景皇帝在卽時爲官僚以醇謹見重景泰初用舊臣爲禮部侍郎方是時從潛之臣無踰公者僉云

程亮可俟而公獨奉身還吳宦橐清貧至居無
安泊之處寓棲故人家耳北虜也先既革心向
化詣闕表賀景皇帝製衣一襲面命服之
以觀其修短焉公手疏乞時朝太上皇帝受
尚書以歸寒素自守不以身被上知少見於
顏色歲時或詣郡縣展禮布袍角帶獨立堦下
未嘗先通於聞人及薨子津方八歲朝京師

景皇帝親引入內賜果餌遂授吳縣主簿天順

玉堂叢語卷之一 行誼

七 曼山館

初罷及朝廷追理一時柄臣公獨以靜退得免
削奪或傳猶以前奏故也公忠厚有雅量時稱
長者必曰楊尚書

楊仲舉先生翥嘗講道於胥溪之上生徒彌衆
楊士奇自廬陵來邂逅求館事公叩其中而善
之乃告主人曰吾不足爲若師尚當求我之所
師者師之遂辭去主人詢其所謂師者蓋指士
奇也竟延之公初與士奇不相善而家且貧意

惟以義相讓而士奇德之迨入閣首以公薦入
翰林尋拜禮部侍郎進尚書

楊公翥有厚德爲景皇帝官僚居京師來一
驢鄰翁老而得子聞驢鳴輒驚公遂鬻驢徒行
天久雨鄰垣穴澹水公舍家人欲與競公曰雨
日少晴日多何競爲金水河橋成詒簡有德者
試涉廷臣首推公焉

董璘爲翰林編修有時名以母老歸養一日母

玉堂叢語卷之一 行誼

八 曼山館

病思鰯魚時無鬻者卽詣鎮江禱於神命漁者
舉網忽得二鰯以歸鄉里驚異陞修撰與修實
錄後憤太常典禮樂不可昇異流乞以已爲其
官遂獲譴

司業吳先生溥自幼立志不凡雖寢夙夜勤苦
淬勵不奪於外物在國子時以禮率其屬官不
檢者不便之相與求先生之短以沮之率無所
得又飾詐以謗之然先生素行孚於外者久謗

卒不行有以告者自引咎而已以是名益高而
謝者益不容於濟

吳先生與弼司業之子讀書窮理累辟不就
不教人舉業弟子從遊者講道而已父在京時
命還鄉舉姻親迎後不行合卷之禮易舟赴京
拜父母畢始入室祭酒胡儼父執也自京還與
弼往謁之至大門四拜而退明日又造其宅方
請見曰昨自行拜禮今惟長揖問其故曰先生

玉堂叢語

卷之一 行誼

九 曼山館

父執也若四拜恐勞尊凡行類此有來從學者
不納贊或極其誠敬始收之後或有過即以所
收者還辭而不教非其力不食一介不以取於
人或親農事弟子亦隨而助其力多不能堪躬
行實踐鄉人化之

曾儒爲泰和典史因捕盜獲一女子甚美目之
心動輒以片紙書曾儒不可四字火之已復書
火之如是者數十次終夕竟不及亂

商文毅致政歸劉文安見其子孫多賢乃歎曰
某與公同處若干年未嘗見公筆下安殺一人
宜子孫若是公應曰實不敢使朝廷安殺一人
王俱嘗得楊氏別業有祖隴在欲徙之公歎曰
彼以全產售人而不能守此三尺吾不忍也不
聽其徙闕其垣使四時祭掃焉

楊文懿凡有賜賚必奉親及施與族衆迨親沒
而朝廷恩眷日篤至給三俸恒以親不逮養

玉堂叢語

卷之一 行誼

十 曼山館

爲歎乃請以少俸俸於鄉邑給受以供祭祀及
周恤親族故舊之貧者 詔允之
徐溥入官卽分俸以贍族人及在內閣乃買腴
田千畝爲義莊又立條約爲永久計 上嘉其
義特命蠲其徭役

徐文靖公少學時性甚沉質言動不苟嘗效古
人以二餅貯黃黑豆每舉一善念道一善言行
一善事投一黃豆不善者以黑豆投之始黑多

黃少漸積參半久之黃者乃多云平生如是雖貴不輟

河南耿公裕爲禮部尚書時嘗曰吾暮自部歸必經過三原之門見一老蒼頭每持秤買油吾自入仕未嘗買油故每過輒面城而行益愧之也後耿公代王公爲吏書嘗以此語人其心服如此又朝士嘗言公之子自三原來京省公只如貧士騎一騾而已有司驛遞何曾承奉之又

玉堂叢語

卷之一

行誼

十一

曼山館

公女適宋監生者只乘市井所僱兩人小轎嘗以銀二兩託雲南張鳳儀知印買寶石丁寧勿使公知之其刑于之化非一日矣

哀談

黎大樸世居華容性耿介寡合重倫尚節違祿養極嚴廟祀兄嫂卒其孤名獻民及女皆幼育爲已子山東副使董國器妻死而董適未還大樸展省至臨清使攜其柩以歸太常卿孟士亨宰家貧不能舉大樸倡諸鄉人合購俾襄葬事

鄉吏鄧祿寓銀數十兩祿死藏所寓物十年俟其子長乃還之所居黃洋渡潦輒病涉拍簣築堤四十丈民甚利焉後官至禮部尚書黎文僊在部不受私餽不行請囑尤慎形跡事涉矯詐輒窮本末必暴白乃已聞人有玷行雖所甚愛必摧抑不曲爲庇下至胥隸亦畏憚不敢犯素儉朴患鄉俗好侈躬自裁抑婚葬飲宴之禮人多視以爲則

玉堂叢語

卷之一

行誼

十二

曼山館

羅一峰先生爲人不視惡色不聽惡聲不恥惡衣惡食與人子言依於孝與人臣言依於忠與居官者言民疾苦見一善人愛之如祥麟威鳳見一惡人惡之如封豕長蛇見一饑寒凍餒之人傾家所有以賑之大率義之所在毅然必爲人之毀譽欣戚事之成敗利鈍已之死生禍福皆所不顧也所交盡一世豪傑之士其語及先生之爲人也必曰青天白日云

倫家居有客晨至倫令具飯妻曰無暇營矣命其子干之旁舍比舉火日已午倫晏如也

章楓山祖居渡瀆在蘭谿城外十五里後去官家居過客與上司至蘭谿者必出城訪之至者必留飯雖雞黍楓山不能備皆族人營辦一月凡數次族人甚苦之偶有一廢尼寺上司送與爲宅楓山遂徙居城中惟舊屋數間而已寺舊有小樓二間其卑至於碍冠楓山終日宴坐其玉堂叢語卷之一 行誼 十三

中每作文構思必起坐繞室中行紗幘數爲所觸楓山亦不知後年八十六竟笑於斯別無營構

吳文定公忠信弘厚全德不可勝紀未第時家應織人役徵擾百狀公見重於有司其父不以有公息事或當苛甚時稍謂公盍亦白之上官公曰譬我不作秀才亦已矣乃潛入金胥徒輩以寬其事父不知也里僎子以私憾公同夫人

出隨言公於車旁從人欲一較公名戒勿應而已又剗去公所爲郡學碑刻名上官追究公曰吾文誠不足存無已令校官重刻而已縣官矯激束縛公家人固無所可罪至事公禮儀亦矯而簡慢公殊不介意縣官述職公正佐吏部冢宰欲黜此令問公公曰謂之最固非公以黜則亦未至爾冢宰即從之遷佐別郡

水東日記

吳文定篤厚倫誼吳中有田數百畝每歲租入玉堂叢語卷之一 行誼 十四 曼山館

視親戚故舊之貧者分給之

吳公少有介行聞於鄉偶百里外一富家主方幼有母在延公爲館師其家有女方笄窺見公心悅焉朝夕輒以肉羹遺親婢通意於公公即以他故解館去人和之公終不言及後其女物故公晚年始道此以訓示子孫其厚德如此

吳公爲人靜重醇實自少至老人不見其過舉不爲慷慨激烈之行而能以正自持遇有不可

卒未嘗碌碌苟隨言詞雅淳文翰清妙無愧古人成弘間以文章德行負天下之望者三十年然位雖通顯而迄不得柄用天下惜之

劉少傳忠爲南京吏部尚書時因司屬王主事韋之父致仕家居素奢而漸貧乃以三十金與韋曰恐汝父奉養不給汝欲曲意以養則變節之事有矣幸勿改節

謝文肅先世遺有常稔田若干畝先生議供祠

玉堂叢語

卷之一

行誼

十五

曼山館

墓祿稍贏卽別買田代之分給第姪又置田儲租供家塾建方石書院周宗黨治喪併患難之不贍者其處宗族仁義忠厚之行多可尚如此顧璘撰傳

崔銑云羅景鳴者振奇人也故其言捷於異而晉於典其見昭於細故而闇於大然能自鑄偉詞不亂於顏習往西涯公處劉瑾張永之際不可言臣節矣士惠其私猶曲貸而與之幾亡是

非之心景鳴責引大義願削門人之籍逆濠將叛遣使齎金餽於山中景鳴知之一夕逃去家人莫知其處噫烈矣哉

呂仲木曰吾未見甘貧者也居翰林而見何子粹夫焉一布袍六七年

王韋字欽佩南京人仕至太僕少卿孝德純備喪母毀瘠卒父微憲宗朝給事中直諫有聲

少卿承志執節屹有稜範歷仕畱署匪云要樞

玉堂叢語

卷之一

行誼

十六

曼山館

確明職司金石不撓不曰孝思維則者乎

陳公甫自京師還與族弟同舟至廣東陽江遇寇乘小艇禦之盡劫舟人財物而去公甫居舟尾呼曰我有行李在此寧取我物耳寇曰汝爲誰答曰我陳獻章也寇舉手作禮曰我小人不

知驚動君子幸無恠舟中之人皆先生友也忍利其財乎悉還於舟乃去

正德壬申湖廣調永保二司土兵截殺流賊所

經鹵掠一空行至華容劉司馬大夏司馬以善言各拜曰大人鄉里安敢犯遂肅然出坑雞犬不驚

山東許道克爲學士母喪家居一日族叔負木一囊置於路見學士至曰汝爲我負之公忻然肩負隨行送至其家而去

景陽爲人篤於孝義母目盲萬方療之不愈且夕禱於神一日雙瞳炯然舊疾如失人稱其孝

王堂叢語

卷之一 行誼

十七 曼山館

感云幼早寡奉與母居爲嫁娶其子女使得所與張貢約爲婚貢旋死賜曰禮聘未行心已許矣忍負吾友於地下乎召其子妻之一女以贅廢其友潘準曰可使景女不字乎願字吾子賜乃求婦以從曰庶吾女有所歸婿亦不至無以爲家也

文待詔徵明性不喜聞人過有欲道及者必巧以他端易之使不得言終其身以爲常

楊公廷和生多宦遊每歸則爲鄉人建一惠局初通水利灌涸田萬頃鄉人德之號爲學士堰次捐建坊費修縣城城成賊至生命以萬計次置義田於城西北以贍族人蓋三歸而修創利物業三焉

文學

申屠衡長洲人幼學於楊維禎明春秋肆力古文洪武中草論蜀詔稱旨授翰林院修撰

王堂叢語

卷之一 文學

十八 曼山館

高啓以修元史成授翰林編修擢戶部侍郎不拜致政歸所著有姑蘇藻詠婁江吟稿史要類抄及缶鳴江館鳳臺吹臺槎軒扣舷鳧藻諸集與楊基張羽徐賁齊名世以擬唐初四子族第士敏亦工綴述啓嘗評其文有春容溫厚之風無枯槁險薄之習所著有辛丑集

張羽字來儀烏程人元末避地吳中穎敏讀書一覽不忘爲詩文俊逸典雅工繪事洪武初舉